



Deddf Treth Gwarediadau Tirlenwi (Cymru) 2017

2017 dccc 3

RHAN 5

DARPARIAETH ATODOL

PENNOD 6

ACHOSION ARBENNIG

Personau sy'n rhedeg busnes tirlenwi yn newid

85 Marwolaeth, analluedd ac ansolfedd

- (1) Mae'r adran hon yn gymwys pan fo person ("A") yn rhedeg busnes tirlenwi person arall ("B") sydd wedi marw, wedi mynd yn analluog neu wedi dod yn destun gweithdrefn ansolfedd.
- (2) Rhaid i A roi hysbysiad i ACC ynglŷn ag—
 - (a) y ffaith bod A yn rhedeg y busnes tirlenwi, a
 - (b) natur a dyddiad y digwyddiad sydd wedi arwain at y ffaith bod A yn ei redeg.
- (3) Rhaid i'r hysbysiad gael ei roi cyn diwedd y cyfnod o 30 o ddiwrnodau sy'n dechrau â'r diwrnod y dechreuodd A redeg y busnes tirlenwi.
- (4) Caiff ACC drin A fel pe bai A yn B at ddibenion y dreth, gydag effaith o'r adeg y dechreuodd A redeg y busnes tirlenwi; a chaiff ACC wneud hynny pa un a yw A wedi rhoi hysbysiad o dan is-adran (2) ai peidio.
- (5) Rhaid i ACC ddyroddi hysbysiad i A (ac, os yw'n briodol, i B) am benderfyniad i drin A fel pe bai'n B.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, Croes Bennawd: Personau sy'n rhedeg busnes tirlenwi yn newid. (See end of Document for details)

- (6) Os yw ACC yn trin A yn y fath fodd, nid yw'n ofynnol i A fod yn gofrestredig, na gwneud cais i gael ei gofrestru, yn rhinwedd y driniaeth honno.
- (7) Os yw—
- B yn peidio â bod yn analluog neu'n destun gweithdrefn ansolfedd, neu
 - A yn peidio â rhedeg busnes tirlenwi B,
- rhaidd i A roi hysbysiad i ACC am y ffaith honno a'r dyddiad y digwyddodd hynny.
- (8) Rhaid i'r hysbysiad gael ei roi cyn diwedd y cyfnod o 30 o ddiwrnodau sy'n dechrau â'r dyddiad hwnnw.
- (9) Rhaid i ACC beidio â thrin A fel pe bai'n B os yw—
- ACC wedi ei fodloni bod y naill neu'r llall o'r amodau yn is-adran (7) wedi ei fodloni (pa un a yw A wedi rhoi hysbysiad o dan yr is-adran honno ai peidio), neu
 - ACC yn canslo cofrestriad B.
- (10) Rhaid i ACC ddyroddi hysbysiad i A (ac, os yw'n briodol, i B) am benderfyniad i beidio â thrin A fel pe bai'n B.
- (11) At ddibenion yr adran hon, daw person yn destun gweithdrefn ansolfedd—
- os gwneir y person yn fethdalwr;
 - os yw trefniant gwirfoddol ar ran cwmni yn cael effaith mewn perthynas â'r person o dan Ran 1 o [Ddeddf Ansolfedd 1986 \(p. 45\)](#);
 - os yw'r person yn mynd i ddwylo'r gweinyddwr neu'n destun datodiad neu dderbynyddiad;
 - os yw unrhyw ddigwyddiad cyfatebol yn digwydd sy'n cael effaith o dan gyfraith yr Alban neu Ogledd Iwerddon neu wlad neu diriogaeth y tu allan i'r Deyrnas Unedig, neu o ganlyniad iddi.

Gwybodaeth Cychwyn

I1 A. 85 ddim mewn grym ar y Cydsyniad Brenhinol, gweler [a. 97\(2\)](#)

I2 A. 85 mewn grym ar 1.4.2018 gan [O.S. 2018/35](#), [ergl. 3](#)

86 Pŵer i wneud darpariaeth bellach ynglŷn â marwolaeth, analluedd ac ansolfedd

- (1) Caiff rheoliadau ychwanegu at unrhyw ddarpariaeth a wneir gan ddeddfiad sy'n ymwneud â'r dreth ynglŷn ag achosion pan fo person sydd wedi rhedeg busnes tirlenwi yn marw, yn mynd yn analluog neu'n dod yn destun gweithdrefn ansolfedd, ei diddymu neu ei diwygio fel arall.
- (2) Caiff y rheoliadau wneud darpariaeth (ymysg pethau eraill)—
- ynglŷn â'r amgylchiadau pan fo person yn mynd yn analluog neu'n dod yn destun gweithdrefn ansolfedd, neu'n peidio â bod yn analluog neu'n destun gweithdrefn ansolfedd;
 - ynglŷn â dyletswyddau, rhwymedigaethau a hawlogaethau sy'n ymwneud â'r dreth pan fo person wedi marw, wedi mynd yn analluog neu wedi dod yn destun gweithdrefn ansolfedd;

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, Croes Bennawd: Personau sy'n rhedeg busnes tirlenwi yn newid. (See end of Document for details)

- (c) sy'n gymwys pa un a yw unrhyw un arall yn rhedeg busnes tirlenwi person ar ôl i'r person farw, fynd yn analluog neu ddod yn destun gweithdrefn ansolfedd ai peidio.

Gwybodaeth Cychwyn

- I3** A. 86 ddim mewn grym ar y Cydsyniad Brenhinol, gweler **a. 97(2)**
I4 A. 86 mewn grym ar 1.4.2018 gan **O.S. 2018/35**, **ergl. 3**

87 Pŵer i wneud darpariaeth ynglŷn â throsglwyddo busnesau fel busnesau gweithredol

- (1) Caiff rheoliadau wneud darpariaeth i sicrhau dilyniant wrth gymhwyso unrhyw ddeddfiad sy'n ymwneud â'r dreth pan drosglwyddir busnes tirlenwi o un person i un arall fel busnes gweithredol.
- (2) Caiff y rheoliadau wneud darpariaeth (ymysg pethau eraill)—
- sy'n ei gwneud yn ofynnol i ACC gael ei hysbysu am y trosglwyddiad;
 - i unrhyw rwymedigaeth neu ddyletswydd ar ran y trosglwyddwr mewn perthynas â'r dreth ddod yn rhwymedigaeth neu'n ddyletswydd i'r trosglwyddai;
 - i unrhyw hawlogaeth ar ran y trosglwyddwr i ollwng neu ad-dalu swm o dreth, pa un a yw'n codi cyn y trosglwyddiad neu ar ei ôl, ddod yn hawlogaeth i'r trosglwyddai;
 - i unrhyw beth a wnaed cyn y trosglwyddiad gan y trosglwyddwr neu mewn perthynas â'r trosglwyddwr gael ei drin at ddibenion y dreth fel pe bai wedi ei wneud gan y trosglwyddai neu mewn perthynas â'r trosglwyddai;
 - ynglŷn â dyletswyddau i gadw cofnodion a'u storio'n ddiogel.
- (3) Caiff y rheoliadau wneud darpariaeth sy'n gymwys yn ddarostyngedig i amodau, ac yn benodol cânt—
- darparu ei bod yn ofynnol cael cymeradwyaeth ACC cyn cymhwyso unrhyw ddarpariaeth a wneir o dan is-adran (2)(b) i (e) i drosglwyddwr a throsglwyddai;
 - gwneud darpariaeth ynglŷn â gwneud ceisiadau am gymeradwyaeth a phenderfynu arnynt.
- (4) Caiff y rheoliadau wneud darpariaeth ar gyfer—
- cosbau mewn cysylltiad â methiannau i gydymffurfio â'r rheoliadau;
 - adolygiadau ac apelau.
- (5) Caiff y rheoliadau ddiwygio neu gymhwyso (gydag addasiadau neu hebddynt) unrhyw ddeddfiad sy'n ymwneud â'r dreth.

Gwybodaeth Cychwyn

- I5** A. 87 ddim mewn grym ar y Cydsyniad Brenhinol, gweler **a. 97(2)**
I6 A. 87 mewn grym ar 18.10.2017 gan **O.S. 2017/955**, **ergl. 2(g)**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwarediadau Tirlenwi (Cymru) 2017, Croes Bennawd: Personau sy'n rhedeg busnes tirlenwi yn newid.